



17781

I

Mag. St. Dr.

P

kat.komp.

Vitellii Jacobi. Votum nuptiale Jovan.
Principi et d. d. Renator Caccitine
— dedicatum 1637.

PANEG. et VITAE

Polon. 4^a.N^o. 80.

Biblioteka Jagiellońska



stdr0002075

V O T V M
N V P T I A L E:

Serenissime Principi & Dñæ, D.

RENATÆ CÆCILIE,

Dei Gr: Archiducissæ Austriæ,

Ducissæ Burgundiæ, Styriæ, Carynthiæ,
Carniolæ, Vittembergæ,

COMITISSÆ TYROLIS.

*Serenissimi & Potentissimi Regis Polo-
niæ & Sueciæ. &c. &c.*

D. VLADISLAI IV.

S P O N S Æ.

Vienna Crac. Pompa Regali venienti

DEDICATVM.

Humili Officio

Per R. IACOBVM VITELLIVM, Eccle: S. ANNÆ
CANONICVM, in Acad. Crac. Regium, interea Ty-
licianum Eloquent. Professore.



177815

BIBLIOTH. UNIV.



UNIVERSITATIS



ORATIO.



OST Ordinum & Statuū Regni hilares acclamationes, Mularum & Gratiarum Sereniss. Maieſtati Vrae in Poloniam venienti, occurrunt cætus. Scilicet homines conditione Sacerdotes, professione Academici, togata Sereniss. Regū, maximè vero Vladislai II & IV. clientela: Reginalem Maieſtatem Vram, vt Austriæ Heroinam splendidè, vt Poloniæ Augustam magnifice, vt Inuictissimi Regis Polonorū Vladislai IV. Sponsam; Regaliter aduentatē, veneramur. Non aliam decuit Triumphatori Regi. hostibus perdomitis, & omnibus à Borysthene ad Istrum, ab hoc, ad mare Balthicum pacatis; quàm ex Domino Impe-

mo Imperatrice, deligi Sponsam, tantæ Ma-
iestatis & fortunæ capacē. Auspicata hæc
Poloniæ celebritas, qua Regum potentissi-
morum animi, Regnorum latè dominantium
fædera, nationum bellicosarum consensus,
fædere vinciuntur sacrosancto. Vt enim
hactenus rebus ad voluntatem nostram flu-
entibus secundo gauderemus euentu, pa-
ce reddita publica, tranquillitate & otio
domestico reuocato, limitaneis sublatis
periculis: tamen in vnius Maiestatis salute
(etiāsi immortalem cuperemus) vitam &
fortunam cōmunem collocare, vt humana
incerta sunt omnia, non sine formidine vi-
debatur. Nunc vero vbi consors eiusdem
Maiest: feliciter aduenis, iucunda posterita-
tis memoriā Regnū hoc Amplis. ita recre-
atur, vt in certam spem veniat victuram pe-
rennem in posteritate felicissima Victorio-
sissimi Regis recordationem, danda pigno-
ra, & obsides fidelissimos, salutis cōmunis
retinendæ, & propagandæ. Hanc idcirco
in Vestra

in Vestra Maieſtate Regni fortunam vene-
ramur, cū Auguſtam & Dominam ſuam,
totus propè Septemtrio habiturus eſt. Ma-
ieſtatis iſtam Amplitudinem illi ipſi felicē,
Eccleſiæ ſalutarem, Regno beneficam, po-
pulis ſubiectis auxiliarem vouemus & pre-
camur. Et mehercule iam à Maieſt: V. lu-
ce Sereniſs. magna nobis oboritur felicita-
tis futuræ fiducia, cū ab eo venis loco,
in quo ſalutem orbis Chriſtiani incluſit De-
us: ab ea Domo, vnde religio firmamen-
tum & protectionē, populi Chriſtiani per-
fugium & præſidium: omnes vero in du-
bijs rebus ſpem, in afflictiſ conſiliū, in per-
ditiſ recipiunt deſenſionem. Tantū ab
hoc vultu gratiæ, tantū Maieſtatis effun-
ditur; vt iam Veneranda Mater Patriæ in
Vrbe Regni Principe, honorificentiffimis
Ordinum omnium ſtudijs ſaluteris. Cū
vero olim id honoris Auguſtæ habuiſſent,
vt illas quādoq; ſacrat⁹ ignis præiret, diuini-

tatis cuiusdam cum principibus cōmuni-
cata indicium; Nos vbi felicissima Sponsa
Regis gloriosissimi aduenit, felicissimo hoc
connubio, cælestem ignem, diuinum affla-
tum, apprecamur. Vt tædæ iugales istinc
incensæ, pari sideribus æternis colluceant
splendore: vt ille ipse præeat benignitate,
cuius providentia & ordinatione, nexus
iste coalescit nuptialis.

Quapropter dum omnes Ordines Magni
Regis optatissimam Sponsam hilari acci-
piunt acclamatione, celebri prosequuntur
vbiq; plausu: Nos Maiestati Vrae, & Regno,
insuper toti Christianitati, fortunatam gra-
tulamur sublimitatem, & diuturnam vo-
uemus. Quæ dictio, non tam facultate no-
stra; quàm Maiestate Vra. subnixa, ne ta-
curnitatis inuidia offenderet, maluit pa-
rùm diserta, quàm ingrata, atq; in Reginalis
Maiestatis aduentu inhospitalis accusari.

Atque illud in primis est quod nobis iure
latan-

lætandum, & M. V. feliciter optandum videatur, quod ei Regi, duceris Sponsa, qui veterum Regum, non adæquauit solum gloriam, sed etiam superauit. Cuius si naturam spectes benignissimus, si consilium prudentissimus, si authoritatem grauissimus, si victorias, laudatissimus. Magnum est sanctissima Jagellonum editum stirpe, quæ iam ducentos amplius in Polonia regnat annos: & ita regnat, vt exteris etiam deesset nunquam, vnde exempla felicitatis domesticæ inducendæ peterentur, & stabiliendæ. Sed longè illud augustius est, quod idem ille propè dies, quo in lucem editus felicissime, & hominem, & Regem vidit. Ita enim concinebant fata, ita Diuina respondebant oracula, ita certis quibusdam homines consequebantur argumentis, inusitatum quiddam ad felicitatem, illustre ad gloriam, in tenello Principe, in quo Heroicum patris infusum esset robur, patriæ ostentari.

stentari. Neque frustra erant qui in populo non vanis differebantur sermones rumoribus. Namque cum perduelles olim Moschi Pseudoprincipum suorum damnosis luderentur præstigijs, interea & fuisset inter se, & nostrorum attererentur armis: ut aliquando à cōtinuis illis conquiescere possent ærumnis, Sereniss. in Magnum Ducem Regno suo poposcerunt: cum viderent ante ætatem in iuvene admodum, Regales virtutes. Sed nimirum diuinitus hæc eorum tardabantur desideria; Maiestat: Vestra, ut futuræ Sponsæ, & Regni bona fata, eam differebant postulationem: quæ si consecuta fuisset Regnum tali Rege, Maiestas V. hoc victoriosissimo Sponso erat caritura. Cum itaque Regnum Poloniæ, & victoriæ Moschorum cælitus Sereniss. ordinarentur, ut Polonia haberet, cuius felicitate & consiliis temeritatem Moschorum castigaret, ut idem esset Rex Polonorum & Moschorum fe-

rum felix perdomitor; non humanis confilijis, sed Diuinis decretis factum est, vt ne Mosci quod ambitiosè & sollicitè poscerēt: obtinerent. Postmodum vbi ægrè ætatis parux tyrocinia deposuisset: adolescentiam à pueritia vltima, ingressus triumphalē. Osmanus crudelis Turcarū Tyrannus, prima Regis victoriosissimi ex triumpho adorea: qui Termini Patrij sacram temerans religionem, infestis se iam propè in Regnū infuderat agminibus. Auspicijs itaq; Parentis sui Sereniss. interea rerum potentis in Regno, exultantem barbarum ita fregit & repressit Rex Serenissimus, vt velut ex magno naufragio, laceras vix, & truncatas domum, hostis cum ludibrio reduceret cohortes. Hic primus honorum maximorū gradus, hac primum victrice laurea, iuuenile exornauit caput, in primis annis, vltra ætatem, iam sceptro, iam Regno maturus. Quid ni feliciter tempore consequente clauum orbis Sarmaticierat tractaturus, cuius

B

vela ad-

vela admodum iuuenis, tam secundis omni
æuo memorandæ victoriæ impleuerat Ze-
phyris? Ab hoc itaq; tempore, non magis
patriæ, gloriosissimo trophæo, & spolijs
barbarorum meruit, quàm pro V. Maie-
state Reginali mereri incepit: vt ad Domū
victricem Austriacam, non nisi victor tri-
umphator ingrederetur, atq; fasces laurea-
tos, cum triumphalibus Imperij fascibus sa-
cratissimo vinciret nexu. Ab eo ipso lauda-
tissimo triumpho, Reginali V. M. *Candidus
faustum, sternuit omen Amor.* Talem Spōsum
Sereniss. M. V. designarunt caelestia fata, &
huc vsq; sacra distulerunt marita, vt redde-
rent longè diuiniora.

Quid porro victa Moschouia, & vno Se-
reniss. aduentu suis met euersa machinatio-
nibus, an non felicitati M. V. adscribet, e-
ius glorię victrices palmas, cōmunicari cum
Maestate V. & quicquid sit laude quæsitū
militari, in Consortē victoriosissimi magna
parte redundare triumphatoris? Quocirca
dum Mo-

dum Moschi clementiam, & mansuetudinem in summa potestate rerum, Victor sui prædicabunt: etiam Maieſt: V. attollēt fortunam, quæ Septemtrioni subactō Domina designaris, quorum populorum felicitas, incolumitas, V. Maieſt: apud Sac: Regiam Maieſt: benignitate disponenda. Deponēt vel nunc feritatem, atque occultis deſiſtent contra patriam molitionibus, ubi intellexerint, poſſe ius ſuum, cauſas ſuas, felicius, tanto apud ſupremam Maieſt: patrocinio foueri. Et cum formidine victis inſita, & authoritate Maieſtatis ſuprema retardabūtur, Maieſtat: V. Regno opponēt caritatē, pignora cōteſtabuntur ſperanda, V. Maieſtat. ſe ſuſtentabunt clementia, quæ affabiliter vt Mater, mansuetē vt Heroīna, clementer vt Reginalis Maieſtas omnes ſit habitura. Atq; cum illis olim tantos armorum erat iniectus terror, vt ſatis erat hoſti arma oſtentāſſe; ita nunc ad erigēdos eorum ex calamitate animos, ſatis erit,

vel Reginalis Maieſtatis perſūgio, & patro-
cinio ſuſtentari. Extollant ergo quantum-
vis maximo præconio, Italia ſuos fulmina
belli Scipiones, Græcia Pyrrhum celeritate
vincendi Aquilam dictum, Mithridatē Aſia,
Alexandrum Macedonia: Polonia habet,
quem ſummis quibuſq; cōparet bellatori-
bus. Qui Regnū hoſtibus vndiquaq; paulō
circumſeſſum acerrimis, quorum alij etiam
intra viſcera hærent Regni, ita pacavit, ita
frenos feritati iniecit Aſiaticæ, ita ambi-
tionem & iactantiam Suecorum conſiliis ſu-
is eluſit: vt ſine vi, ſine cæde, & ſanguine,
limitibus noſtris alij, alij præſidiis, quæ ſatis
operoſe munierāt, excederent firmiſſimis.
Tantum itaque bonorum, quæ tot vi-
ctorijs Regno ſunt per Maieſtatem Regiam
comparata, venit particeps & ſocia: pace
reddita, armorum tempeſtate conſileſcen-
te: Maieſtas Veſtra quaſi cælitus demiſſa
Dea, velut altera ſapientiſſimo Salomoni
cantata *Sulamitis* pacifica: cuius fidelita-
ti ſan-

ri, sanctum Familiæ Regalis, & à Deo benedicendum mandaretur genus. Nunc Maieſtati V. pro militari Pyrricha, geſtientes populorum occurrunt cætus, feſto cantu, plauſu publico, & cõmuni excipiunt venientem gratulatione. Nam ſi Conſtanti-
ni filio Sponſo nouo acclamatum eſt aliquando: *χαῖρε νυμφίε, χαῖρε νέον φῶς, Salve ſponſe, ſalue nouum lumen.* Nunc cùm Cæſarum ſacra-
tiſſimorum proneptis, filia, & ſoror, ad-
hęc Sponſa Sereniſſimi Regis venit: quam-
obrem non longẽ conuenientiore gratula-
tione vniuerſi acclament Ordines: Salue
Potentiſſimi Regis Polonorum Sponſa: Sal-
ue nouum Regni Sarmatici lumen. Tan-
tũ enim ex hoc vultu gratiæ, tantũ Ma-
ieſtatis effunditur, vt noua lux Poloniae, no-
uus ſplendor Regno vniuerſo exortus eſſe
videatur.

Hic ego quid prædicem Maieſtatis Vrae
felicitatem? quid triumphum verbis extol-
lam? quæ triumphatorem toto orbe cele-

bratissimum, nobili ducit in triumpho? Ille
de hostibus animosè, Maieſt: V. de eodem
ipſo ducit triumphum glorioſè. Virtutes
Maieſt: V. Regali throno digniſſimæ, cùm
Regni oculos in Maieſtat: V. admiratione
defixerunt; tum Sereniſſimi animum ho-
ſtibus inuictum, fortiter ſuperarunt. Nec
ſine cauſa quidē: Etenim ſi antiquitas pro-
pter præcellentes dotes, aliquas in admira-
tione habuit Heroinas, longè iſtis omnibus
Maieſtas V. antecellit: Cui & Aſpafiæ mo-
deſtia, & Liuiæ prudentia, Lucretiæ vere-
cundia, Portiæ conſtantia; tanquam um-
bra ſoli, tanquam fabula veritati, tanquam
priuata publicis facile palmam concedunt.
atq; hanc fulgentiſſimam fortunæ dignita-
tem in Maieſtate V. venerantur. Tum ipſa
Caia Cæcilia quam rara inter matronas
virtus, ita ſæculorum memoriæ, vt reuelli
non facile poſſit, infixit; ipſa inquam illa
C. Cæcilia, & nomini, & ſplendori Maie-
ſtat: V. vt inferior laude & exiſtimatione,
concedit.

cōcedit. Eius enim virtutes, vnius domus,
& priuatae quidem fuerunt: Maieſt: V. pu-
blico bono diuinitus datae, in eum finem,
vt eſſent ſubditis ſuis, & prouincijs ſaluta-
res. Proinde cum omnium bonorū largi-
tor & effector DEVS, ita animū M. V. bo-
nis omnibus compleuit & reſerſit, vt eſſet
quaſi theſaurus, in quo pietas, pudor, mo-
deſtia, cæteræq; virtutes mirificè reſplen-
dent; Eam ob cauſam Sereniſſimus REX,
Maieſt: V. in Sponſam ſibi delegit, & Re-
gnū Vniuerſum ſuffragijs approbavit. Plus
in V. Maieſtate virtus potuit ad concili-
andum Regalis Maieſtatis animum, quam
ſanguis auorum. Verum Maieſtas ſua non
ſpectauit tantum genus, licet ſit in terris
cælo proximum, non fortunas genere &
conditione luculentas: ſed virtutes, quibus
Veſtra excellit Maieſtas. Idcirco talem &
tantum Sponſum indoles ſumma, pruden-
tiarara, conciliarunt. Et quēadmodū Sacra
Regia

Regia Maiestas Regnum non nisi à Deo
habet ; ita Consortem tantam , altissimæ
in terris fortunæ , non nisi à Deo. Cur
enim aliunde arbitremur, eam animorum
& studiorum , inter Sponsos Serenissimos
coaluisse cōsensionem, quam sacer Senatus
tanquam interpretes mentis diuinæ iussit, ad
quam Vniuersi Ordines, concordibus con-
spirarunt votis ? Quid illæ sententiæ graues,
non ex triuio arreptæ, sed ex sapientissimo
Senatusconsulto, tanquam Deorum cætu
delectæ, quid inquam agerent ? quid vel-
lent concorditer ? nisi à Deo cælitus pro
V. Maiest : fuissent deriuatæ. Multæ sibi
Principes puellæ, Regni Poloniæ thronum
optauere : multę eam dominandi appetie-
runt felicitatem ; Maiestas V. maiore præ
alijs felicitate, quia maiore hac in parte
Dei benignitate. Flexit aliquando Sapien-
tissimi bellatoris Vlyssis oculos & animum
Nauficaa Phæacum Regis filia. & ita flexit,
vt specie eius tanquam diuino fulgore præ-
strictus

strictus, Deam an hominem appellaret, nesciret. Deam oportere esse non vulgarem, non quālibet ex Nymphis Naiadibus, Oreadibus, sed Iouis filiæ Diannæ confimilē. Si mortalis sit, felicissimos eius parentes, cognatos felicissimos prædicat, quibus datū sit, tām elegantem præstantemq; Virginem intueri: felicissimum Spōsum, in cuius futura sit connubio beato.

Τρισ μακαροσ μὲν σοι γε πατὴρ καὶ πότνια μητὴρ
Τρισ μακαροσ δὲ κασιγνητοὶ μαλατὶς σφισι θυμωσ
Αἰεὺ εὐφροσύνῃσι ζαυεταὶ ὑνέκα σοιο.

*Ter beati tui, pater & veneranda mater,
Ter beati fratres, valde enim ipsorum animus,
Semper lætitia perfunditur tui gratia.*

Hanc idcirco palmæ persimilem ait, quam pulchrè succrescentem vidisset, in Delo ad aram Apollinis:

Δηλῷ δὴ ποτε τεινον Ἀπολλωνοῦ πάρα βωμῷ
Φοινικὴν νεὸν οὐδὲν ἀνερχομένον εὐνησσε.

*Nuper in Delo tale Apollinis iuxta aram
Palmæ recens germen, succrescens vidi.*

Si Nauficaam furculo palmari apud Del-
C phicam

phicam aram succrescenti con similem pru-
dentissimus Vlysses appellat: quam obrem
Maieſt: V. non longè diuiniorem dicamus
furculum Sereniſs: Domus Austriacæ, quæ
plusquàm in magnam arborem principibus
fæcundam ſit propaganda? Illius inquam
Domus furculū, quæ plusquàm Delos vno
Apolline & Dianna orbi cognita, tot Impe-
ratoribus, tot laureis, tot victorijs nobili-
tata, & religione ſanctiſſima tuenda, ita per-
vniuerſum diſſeminata orbem, vt ſola iam
ſit, vnde Reges & Principes, in orbem ter-
rarum petantur. Ad hanc itaq; veluti aram
Chriſtianitatis ſanctiſſimam, Maieſtas V.
nata & educata, longè Nauſicaa Alcinoi
antecellit, ita hoc furculo palmari, Augu-
ſtam familiæ exprimit Maieſtatem, Gratijs
omnibus amabilem, hominibus admiran-
dam. Vnde cū mores M. V. ſacroſan-
cti, ad hanc quaſi ad aram cæleſtem forma-
ti & inſtituti, pudoris, ſanctimonix, mira-
quadam, incredibiliq; obſeruantia atq; cul-
tu; ex-

tu; ex hoc consecutum, vt Maieſt: V. inſi-
gnis fama virtutum, non vanis rumoribus
ad aures Sereniſſ: Maieſtatis, atq; Regni to-
tius peruenit, & Sponſam Sereniſſimo &
Potentiſſ. Poloniæ Regi deſtinauit. Cui ſa-
tis placuit Maieſtas V. cū electa eſt: Atq;
iſtam ſibi quam M. V. nunc eſt naſta bea-
titem; multi Principes, multæ expetie-
runt Heroinæ. Magnum enim Maieſtatis
nomen, magnum in terris hominibus præ-
eſſe, illuſtre in partem Regni venire, atque
ſummis honorari ſubiectorum officijs po-
pulorum. Maieſtas autem V. Dei volunta-
te, authoritate Senatus ſapientiſſimi, con-
cordi Ordinum omnium decreto, delecta
& deſignata, Regis Sponſa, ſpes totius Re-
gni. Quàm ſplendida hæc Maieſt: V. ad
Regem Sponſum deductio. Flos totius Re-
gni, lumina Reipub: delecta, quæ in Poloni-
am venienti, magnifico apparatu, ornatif-
ſimo comitatu, quaſi faces præferrent nu-
ptiales, Sereniſſ. Princeps Poloniæ & Sue-
ciæ *Casimirus* delectus, qui Maieſtatem V.

Serenissimi nomine, in Sponsam posceret,
atque Regali cultu in Poloniam deduceret.
Ut verò omnium Ordinum Maiest: V. ad-
uentus celebraretur affectu, & frequentia,
ex Senatu grauissimo designati Illustriss. &
R&diff. Dñs IOANNES LIPSKI Episcopus
Culmen. splendor Ordinis Senatorij, vir li-
terarum cultu perpolitus magnopere, exi-
stimatione, virtute, nobilitate facile Prin-
ceps. Illustriss. Dñs GASPARDINI OFF Pa-
latin: Siradiæ, multorum in Aula & Repub.
meritorum. Præsto etiam est Illustriss. D.
Christophorus SVLOWSKI Castell: Zar-
nouien. vir cū authoritate graui, & iudi-
cio maturo, tum sententia pro publico bo-
no dicenda probatissimus. Adiunt splendi-
dissimi quiq; ex Ordine Equestri, publicis
Regni officijs insignes, qui magnifico appa-
ratu, cultu visendo, Maiestati V. præstant
in comitatu officium. Omnibus locis den-
satur magna frequentia, & festo plausu po-
pulus, qui Regalem V. purpuram acclama-
tione

tionē læta veneratur. Hæc vrbs Regni Metropolis Crac: quàm feliciter ingreditur, magna ex Maiestatis V. felicitate perfunditur lætitia, & honorificentissimis aduentantem prosequitur officijs. Videt & intelligit bono fato V. Reginalem Maiestatem sibi cælitus impertitam. Eius itaq; congratulatur sublimitati, diuturnamq; & omnibus bonis florentissimam exoptat.

Quamobrem itaque non summis officijs Maiestati V. gratulemur, quod Victoriosissimo & sapientissimo Regi Sponsa ducitur: quod grauissimo lacri senatus suffragio designata, quod honorificentissimo Senatorij & Equestris Ordinis hominum comitatu, Mater & Dña patriæ futura diceris? Vt primum sit raræ cuiusdam felicitatis, alterum cælestis diuinitatis, postremū inusitatæ dignitatis officium.

Verum hæc felicitas ita in Maiestate V. sita est, vt etiam ab istis principijs in Regnū redundet luculēter. Quid enim interea po-

tuit Regno nostro, vel ad gloriam nobilius,
vel certius ad salutē contingere; quā quod
adveterem Poloniæ & Austriæ necessitudi-
nem, etiam accessit pignus summorum no-
minū coniunctione venerabile, vt Sereniss.
Regi Poloniæ VLADISLAV IV. Sacratissi-
mus Imperator Romanus FERDINANDVS
III. Sororem suam collocarit in Sponsam?
Cuius Maiestati etiam hoc magnopere ac-
cedit ad gloriā, Poloniæ veró ad illustre or-
namentum, quod Sereniss. LEOPOLDVS
WILHELMVS Archidux Austriæ, Maiestat:
Cæsareæ frater; Episc: Passaviæ & Argent:
Princeps de Ecclesia meritissimus, Sororis
suæ splendido cohonestavit comitatum ap-
paratu. Neq; hoc solū, sed cælestem eti-
am impertiit, cum omnibus votis benedi-
ctionem. vt quondam fratres *Rebecca*, ad
sponsum iter adornanti: *Soror nostra es, cre-
scas in mille millia, & possideat semen tuum
portas inimicorum suorum.* Quid Serenissi-
mus Rex, aut carius accipere, aut Sacratif-
simus

simus Imperator carius dare potuit? Sere-
nissimo nostro Sponsa venit, Filia FERDI-
NANDI II. eius Imperatoris, qui tot annos
populorum salutem, Ecclesię immunitatē,
contra hostes acerrimē propugnauit? Atq;
hoc eapietate & Maiestate, qua maior ha-
beri non poterat: cum causam Dei ageret
apud homines, hominum apud Deum. Eius
itaq, Sacratissimi Imperatoris Filia, in Spō-
sam Triūphatori Regi ducitur: & quidē ta-
lis Sponsa; quæ par sit, & Patris Magnitudi-
ni, & Austriacæ Maieitati. Sed cum Sacra-
tissimum FERDINANDVM II. calū sibi post
insignes pro Deo, & Ecclesia labores vindi-
casset: nunc rerum potitur Sacratissimus
FERDINANDVS III. ad extinguendas vete-
ris belli reliquias, & Christianitati pertur-
batæ reuocandam tranquillitatem feliciter
à Deo sublimatus Imperio Romano. Hic
itaq, in magnam rerum magnarū Christia-
nitati efficiendarum spem, à Deo delectus
Imperator, Sororem suam, quasi Diuinum
pignus

pignus, animi cum Polonia perpetuò consentientis, Regi Sereniss. in Sponsam collocat. Magna idcirco hinc, & luculenta spes firmandi Regni nostri ostenditur, sub hoc tempus, quo occultis in nos hostes limitanei conspirant machinationibus, cum Domo Austriaca connubiali nexu, non solum dextras sociari, sed etiam animos, & studia, & multa officia, arctius coalescere & propagari. Sed non minor pacandæ Christianitati, & diuturnis sedandis bellis porrigitur spes hoc Augustissimo cōnubio. Nam si Christianitas vniuersa Sereniss. Regē Poloniæ ex omni Europa vnū prouidit, cui publice pacis in Imperio constituendę, & odii inter Christianos Principes extinguendis cōmitteret potestatem: Et iam sapientissimi & disertissimi Proceres Polonię designati, qui tot reficiendis Germaniæ damnis, & quasi veteribus curandis vulneribus animos admouerent: qui hoc prudentibus consilijs & potestate efficerent dicendi, quod vi, atque tam

que tam diuturnis prælijs effici non potuisset. Quid expectandum, vbi Sereniss. Regem, non solum publica inducet pacis necessitas animorum partis vtriusque conciliandorum; sed etiam tam arcta cum Domo Austriaca euincet necessitudo. Hinc fama est, alteram partem non nimis iam causæ & armis fidere suis: Alterius cuiuspiã connubij, quo res eorum firmarentur magis optauisse euentum, non vtilitatis cõmunis causa, sed suæ secessionis gratia. Qui postquã non diuina voluntate, non Ecclesiæ auctoritate sancta, non Senatus prudētissimi cõsilijs, sed suo rem metiuntur arbitrio: quod eorum cogitatis ad fortunam stabiliendam videatur, id omnibus debere videri necessarium putant. Quid igitur? num os eorũ quo locuti sunt vana, num os Domini verax, quod interrogatum est præualebit? Diuina præualebunt in vtraq; Maiestate socianda respõsa. Custodiet Dominus Serenissimos Sponsores, vt pupillã oculi sui: Pupilla oculi

D

Dei est

Dei est Christus, cū sit Filius Dei. Hos
itaq; quos ad regnū vocauit, quos ad thro-
num Regalem vnxit & sublimauit, quibus
partem regendorum in terris populorum
cōmunicauit: eos inquam, custodiet tanquā
oculi sui pupillam. Atq; istius diuinæ pro-
tectionis, vel hoc non leue sit documentū.
quod semper rerum magnarum pro Chri-
stianitate gestarum, Maiestatē Domus Sa-
cratissima Austriaca, sustinet sustinuitq; cō-
stanter: semper Imperij Romani dignitatē
& incolumitatem vita sua potiozem duxit.
Confertissimi sunt rerum ab Austriacis glo-
riosè gestarum libri: plenæ sapientum vo-
ces, quibus præfidijs contra hostem Impe-
rium essent tutati prolixè. Atque ex vetu-
stissima memoria *Marchiones* primo quasi
Limitanei dicti, quòd eorum virtute & glo-
ria bellica, hostiles impetus ab Imperio ar-
cerētur. Præit ille gloriosissimè I. Austriæ
Marchio LEOPOLDVS cognomento ILLV-
STRIS, à quo ceu fonte omniū bonorū vber-
rimo,

timo, in Christianitatem cælestis hæc di-
mauauit familia. Inde ALBERTI victori-
osi ERNESTI strenui, *Leopoldi* Pij, quasi He-
roes quidam, & Semones admirandi, vsq;
ad HENRICVM II. Archiducem Austriæ, ho-
minem incredibilis in Deum pietatis, &
sanctimonix, qui ITA ME DEVS AMET ap-
pellatus, quod dictum istud frequentissi-
mum & vtitatissimum haberet. Hic vt se
natum ad fortia quæq; sustinenda posteri-
tati testaretur: adiutorem se omnium pe-
riculorum, & consiliorum fortissimis Re-
gibus Gallorū CONRADO & LVDOVICO,
ad terram sanctam præbuit; vbi præclaris-
sima rerum magnarū contra hostem iacta
fundamenta: nisi dolus Imperatoris Orien-
talis interea Manuelis omnia dissipasset.
Nulla conticescet ætas, laudatissimos illi-
us fratres, Fridericum I. CATHOLICVM dictū
& LEOPOLDVM VII. GLORIOSVM appellatum,
quorum prior in Hispania, cum Mauris fe-
liciter conflixit, etiam Hierosolymis in vin-

dicanda, ex crudelitate hostili terra sancta,
insignia virtutum Heroicarum reliquit tro-
phæa. Alter vero *Leopoldus, Emericum* Re-
gem Hungariæ infestis agminibus Austriâ
populâtem, virtute & gloria bellica repres-
sit, atq; coercuit. Tantis meritis sublimē,
cū vidisset Domum Austriacam **FRIDE-
RICVS II.** Imperator, eandem faustissimo
quodam omine mirum in modum auxit, ex-
tulit, āplissimis dignitatibus ornauit. Quod-
que illi ad omnem foret gloriosum immor-
talitatem: *Austriam cor ac clypeum Romani
Imperij appellauit.* Quasi Diuino quodā præ-
sagiret oraculo, ex hac sacratissima Domo,
multos prodituros Romanorum Imperato-
res. Sed neq; tantum clypeum dixisset, eti-
am lumen clarissimum cēlestis in Deum pi-
etatis & religionis sanctę tuendę: quod de-
clarauit **LEOPOLDVS VII.** **PATER CLERI**
appellatus, quia Clerum mirum in modū
esset veneratus, & tēpla collapsa reficeret.
Ita propago hæc felicissima, continuatione
stirpis

stirpis glorioſæ, ad Comites vsq; Habspur-
gēſes deducta. Primus hinc RVDOLPHVS
Comes Habspurgen. Archidux Austriæ, Ro-
manorū Imperator, Religionis sanctæ cul-
tor admirandus: qui vbi fortuitò sacerdo-
tem cum hostia sacra peditem ire aduertif-
ſet: descendendum sibi ex equo ratus, vt
Dominus suus, speciebus panis velatus e-
quo veheretur. Oblitus interea se esse Co-
mitem, vt suum tanta submissione venera-
retur Saluatorem: equo eum sustulit, à quo
ad Imperatoriā Maiestatem sciret se promo-
uendum. Consulari apud Romanos id tri-
butum erat dignitati, vt nemo prætereun-
te Consule, equo veheretur: quàm digni-
tatis tuitionem etiam Manlius pater in filio
collaudauit; cū filius Consulari præcipe-
ret authoritate, vt pater cederet, Consula-
rium fasciū Maiestati. Honori itaq; duxit
suo pater, quòd sciret se filius Consulē esse,
paterna maiorem potestate. Archidux autem
officiosissimus & religiosissimus in Deum,

nō duceret suæ felicitati; quod homo, Deo;
mortalis immortalī inter homines versanti,
equo & sella cederet equestri? Equidem
cessit, & freno ita equum duxit, vt videretur
postremo etiam munere, apud Principem
defungi cælestem. Magnam hinc arbitratus
suam fortunam, quod vel illo exiguo officio,
Regem cælestem sibi, & suæ promeretur posteritati.
Eius pietatis gratia, Imperator Romanus certa
quadam designatus prælagitione, cum tantam & tam
inuitatam pietatem, insigni quodam & in-
usitato oportuit præmio pensari. Neq; ve-
rò vni sibi duntaxat hoc facinore admirando,
fauorem meruit Diuinum, sed vniuersæ
Austriæ, ita cælestem obligauit benignitatem,
vt Diuinis Patronis suis compluribus,
inter tantos fluctus & procellas armorum,
ita muniatur, vt nullus impetus, nulla quantumuis
maxima, & diuturna hostium feritas, possit
quicquam de veteri Austriæ dignitate diminuerē.

Eius

Eius tuendæ gratia excubias sanctas agunt S. QYIRINVS Archiepisc: Laureaci Patriarcha Aquileiensis Apostolus Austriacus S. MAXIMILIANVS Episc: Laureaci & Martyr. S. SEVERINVS secundus Austriæ Apostolus. S. COLOMANVS Martyr. S. LEOPOLDVS Pius. His veluti firmamētis validissimis Austria circumsepta, insultus omnes, & terrores hostium eludit, neq; solùm eludit, sed multò gloriosior ab impetitionibus aduersarijs exsurgit. Porro istos animos, atq; vim aduersus hostes Herculeam, Augustiss: Domui Austriacæ RVDOLPHVS I. non aliunde quam cælo deduxit: cuius spes omnes non humanis auxilijs, sed cælestibus salutiferæ crucis præsidijs niterentur. Cùm enim Aquisgrani Corona Imperiali insigniendus esset, Principesque in eius verba iuraturi moram ducerent, quod interea sceptrum in promptu non haberetur; Cæsar arrepta cruce: *Hoc, inquit, signum est, in quo redempti sumus, hoc ego sceptro, in omnes mihi & Imperio infidos*

infidos utar. Quo pacto ita omnes permouit, ut crucem exosculati, iusiurandi fidelitatis Imperatoriæ Maiestati præstādæ, adstringerentur Sacramento. Quantum autem supremo Numini pietas ista Imperatoris religiosissimi accepta esset; signo visendo diuinitus declaratum. Nam cum Antistes Elector, eius capiti sacro, inter diuina, compararet diadema: eodem illo Coronationis interuallo, Aquisgrani super Ecclesiam B. M. V. auream crucem instar solis cælitus radiantem visam, proditum est. Quæ res etiam ad locupletiores Christianitatis lætitiâ, in Concilio Lugdunensi sub Gregorio X. ipsi sanctiss. & purpuratis Patribus magno omnium assensu exposita. Idcirco ubi Deus filij sui triumphali sceptro, quasi gladio ancipiti, pro sacratissima Domo dimicat Austriaca, omnes hostium machinationes, quasi fluctus ad scopulum franguntur & eliduntur. His itaq; maioribus M. V. insignita, his circumfulgens præsidij cælestibus in

stibus in Poloniam venit, thori & Throni
-consors & socia Regalis, diademate ornan-
da Regio, quam virtutes Heroicæ mirum in
modum, tanquam Sereniss. Austriæ Heroi-
nam, pridem coronassent. Quàm iucundū
erit spectaculū in Regni altero Capite ful-
gentem coronam, Sceptro manum Regi-
nalem ornari, venire in partem Regni, atq;
hic in terris Vicariam quandam regendorū
populorum operam subire. Cui muneri
tam sublimi, & hominibus necessario, non
Hymæneos aliquos, veterum cōmentitios
Deastros, sed numen æternum sacratiss. affusi
aris imploramus, vt tantū fortunet con-
nubium, non solū Regno huic & populis
subiectis, sed etiam toti Christianitati. Hoc
consentientibus precamur votis Sereniss.
Reginali Maiestati, vt veniat ita Regno Po-
loniæ, atq; Ecclesiæ felix, quemadmodum
aliquando Galliæ Chlotildis Burgunda. Hi-
spaniæ Iugundis Franca: Italiæ Theolinda
Bauara: qualis Alcestis Admetæ Thessalo-
rum Re.

rum Regi: Hypermestra Lino: ita Sereniss.
RENATA CÆCILIA Austriaca, fortunatiss.
fima Regno Poloniæ, & Sereniss. Regi exo-
riatur. Sit ita Serenissimo grata & amabilis,
vt fuit quondam Aspasia Cyro; Liuia Augu-
sto; Plotina Traiano, magnarum virtutum,
& admirabilis indolis, Heroinæ. *Sicut sol o-
riens mundo in altissimis Dei, sic & mulieris bo-
næ species in ornamentum Domus.*

Quod reliquum est Sereniss. Maieſtati V.
precamur, vt multis annis feliciter cum Se-
reniss. Regali Maieſt: exactis, felicissimam
prolem, spem Regni, memoriam nominis,
familiæ Regalis Iagelloniæ ornamenta, hæ-
redes gloriæ paternæ immortales; non so-
lùm vni Regno, sed vniuersæ Christianitati,
insuper orbi olim gloriosos triumphis, si-
cut stellas cæli in firmamento lucen-
tes relinquat.



*Sereniss: verò & Catholica Domui Austria-
cæ, Cæsarum, Regum, Archiducum,
Ducum fortunatiss.*

G E N I T R I C I.

Hispaniarum, Portugalię, Indiarum, Africę,
Asiæ, Hungariæ, Bohemiæ, Siciliæ,
Burgundiæ, Brabantia, Flandriæ,

DOMINATRICI POTENTISSIMÆ.

S. Romanæ Eccl: Vindici & Protectrici.

Turcarum Barbarorum, Hæreticorum re-
bellium,

INVICTISSIMÆ TRIVMPHATRICI.

Sapientia, Sanctitate, Clementia, Iustitia,
Lucidissimæ GEMMÆ.

VOVEMVS & PRECAMVR.

OMNEM IN TERRIS BEATITATEM,

IN CÆLO

PALMAS IMMORTALES.

Manus


Manus vestra in ceruicibus Hostium ve-
strorum sit.

IN VIRTUTE VESTRA, vt in rota
Gyrentur.

Et velut stipulæ ante faciem venti
Dissipentur.

I M P E N S I S

*Ex fundatione perpetua Generosi D. Bartho-
lomæi Nouodvorski Equitis Meliten. &c.*



C R A C O V I Æ,

In Officina Typ. Matthiæ Andreouien.
Anno Dñi. M DC. XXXVII.

11. 6. 28.

